

MÍNIMOS EXIXIBLES PARA A OBTENCIÓN DUNHA CUALIFICACIÓN POSITIVA AO FINALIZAR 2º ESO

1. Comprensión de textos orais e escritos utilizados no ámbito académico, como presentación de tarefas, instrucións para a súa realización ou exposicións orais de temáticas variadas.
2. Participación activa en situacións propias do ámbito académico (aclarácións, opinións, exposicións, conclusións...)
3. Valoración do diálogo como medio de resolución de conflitos. Intervencións orais respectuosas con quen nos rodea.
4. Detección do tema e dos subtemas de narracións. Análise do contido de textos escritos (subliñado das ideas principais, elaboración de esquemas, e creación de resumos).
5. Lectura en voz alta con dicción, entoación e ritmo correctos, incidindo especialmente na adecuación aos patróns fonéticos galegos e aos signos de puntuación.
6. Composición de textos propios do ámbito académico (conclusións sobre aprendizaxes realizadas, probas escritas, resumos, esquemas, exposicións, ...). Composición de narracións e descricións.
7. Planificación, revisión e boa presentación dos textos escritos, con respecto polas normas gramaticais e ortográficas... e con adecuación á temática, fins e destinatarios do escrito.
8. Interpretación e aproveitamento das informacións lingüísticas que ofrecen os dicionarios e as obras de consulta.
9. Recoñecemento da diferenza entre palabras flexivas e non flexivas. Recoñecemento das categorías gramaticais básicas (substantivos, adxectivos, pronomes, verbos, adverbios).
10. Coñecemento da realidade lingüística de Galiza. Observación da situación sociolingüística en canto a usos e actitudes no contorno máis próximo. (Os preuízos lingüísticos).
11. Comparación entre textos pertencentes aos subxéneros literarios.
12. Uso das estratexias de autoavaliación e autocorrección, aceptando o erro como parte do proceso de aprendizaxe.

Non poderá promocionar de 2º a 3º curso de ESO un alumno/a que non posúa as habilidades mínimas de comprensión e expresión oral e escrita, así como un sentido crítico e autocrítico que o axude a madurar.

CRITERIOS DE CUALIFICACIÓN PARA 2º ESO

- ✚ Cada avaliación o alumno/a será avaliado polo seu **labor cotián na aula e a súa actitude cara ao mesmo**. Este apartado suporá a suma de **até 3 puntos sobre a nota obtida**. Pero unha actitude inadecuada na aula (por acción ou por omisión), o non emprego do galego na aula, tanto na relación co/a profesor/a coma cos/as compañeiros/as, será valorado negativamente. **Por cada vez que algo disto suceda serán descontados 0,5 puntos. Aínda que o máximo que ao alumno/a se lle poida descontar das cualificacións será de 2 puntos.**
- ✚ Cada avaliación o alumnado realizará unha **lectura** obrigatorias, unha lectura na aula (guiados pola profesora) e as lecturas voluntarias da súa preferencia. Cada unha desas lecturas será avaliada a través de distintos procedementos e suporán un 10% no cómputo global da materia ao finalizar a avaliación. É dicir, suporá até 1 punto sobre 10.
- ✚ Cada avaliación o alumnado realizará un **traballo de investigación** sobre a Cultura e Tradición Galega, para o cal deberá servirse das TIC. Este apartado suporá **un 20%** no cómputo global da materia ao finalizar a avaliación. É dicir, suporá até 2 puntos sobre 10.
- ✚ Cada avaliación o alumnado realizará un **exame** sobre os contidos conceptuais traballados na aula. Este apartado suporá **un 70%** no cómputo global da materia ao finalizar a avaliación. É dicir, suporá até 7 puntos sobre 10.

NON SERÁ POSIBLE APROBAR A UN ALUMNO/A QUE NUN OU VARIOS DOS APARTADOS ANTERIORES, SINALADOS NOS CRITERIOS DE CUALIFICACIÓN PARA CADA CURSO, OBTIVASE UN CERO OU ABANDONASE ESE LABOR.